

陶雲汀先生奏疏

奏摺卷五目錄

撫皖稿

安化陶

校閱營伍查辦春賑墾工情形摺子

御賜藥錠恭謝摺子

相度潁州府應添兵丁無須移改叅遊摺片

寧國旌德太平三縣民折官辦漕糧援案請由

司庫領銀採買徵還歸款摺子

全獲殺死一家七命兇犯審明定擬摺子

附奏獲匪懲辦摺片

再請覆豁皖省銀項摺子

附奏覈辦漕項舛訛摺片

附奏續獲匪犯審辦摺片

賴亭宿三營添兵移駐文武員弁摺子

總督會稿

查勘潛山望江南陵各縣被水撫卹摺子

勘辦銅陵無爲繁昌蕪湖當塗被水撫卹情形摺子

續勘宣城南陵青陽貴池桐城被水分別撫卹情形摺子

校閱營伍查辦春賑恤工情形摺子

奏爲恭報校閱北路營伍回省日期並抽查春賑
催辦恤工情形仰祈

聖鑒事竊

臣

於三月十三日起程巡閱省北各屬地

方業經恭摺具

奏在案

臣

卽由六安至潁亳轉蒙城歷宿泗經鳳

陽壽春廬州等處一路巡視察訪民情卽順道
校閱各營伍叅游都守千把等弁人材弓馬俱
尙可觀馬戰守兵年力精壯並無老弱充數操
演陣式步伐整齊鎗礮聯絡籐牌雜技亦俱趨

捷內箭鎗兩項尤爲軍中利器步箭以弓六力
中二矢爲及額其五矢全中弓自八力至十力
能持滿者三鎗全著者俱當場獎賞記名拔補
間有弓馬欠調年力尙壯者分別降補記責勒
限勤操點驗軍裝馬匹等項俱係完好脹壯並
無虧缺就

臣

閱過各營而論壽春技藝較優六

安次之潁州亳州宿州泗州廬州各營均屬相
等蒙城鳳陽木係分駐兵丁無多弓馬亦尙嫻
熟

臣

每閱一營卽諄飭各將領以整理營務首

在賞罰嚴明尤宜通曉大義俾知兵以衛民而

不可擾民其派撥汎地當差者須輪調操演更須嚴拏匪類以靖地方庶幾有功知方仰副

聖主整飭戎行之至意至宿州靈璧鳳陽懷遠鳳臺泗州五河等州縣均已據各委員查明按口加賑沿路抽查尙無遺濫各災黎無不歡欣鼓腹感頌

皇恩其宿州靈璧挑築河埝工程均照原估丈尺挑挖已築埝工亦夯礮堅固辦理尙爲得實且無業貧民藉資傭趁人夫衆多工作亦能迅速合計工程已有六七分挑汎之前自可一律完竣

俟收工勘驗如有草率偷減自當據實叅辦斷不敢稍存徇隱臣查閱事竣已於四月初十日回省所過地方菜麥漸次登場民情歡豫除省標潛山及南路各營俟秋錄後另行校閱外合將校閱省北營伍回省日期暨查賑催工情形恭摺具

奏伏乞

皇上聖鑒謹

奏

道光三年四月十八日具

奏五月二十一日奉到

硃批知道了欽此

御賜藥錠謝

恩摺子

奏爲恭謝

天恩仰祈

聖鑒事本月十六日摺弁回皖齋奉

御賜藥錠一匣

臣

當卽恭設香案叩頭祇領伏念

臣

材慚苓勃渥荷

甄埏際茲大夏之陽辰

寵賁

上方之珍劑

頌來

楓陛一絨貯

天上之雲捧出芝泥五色耀江城之露滌靈符而辟
暑懷馨則蓄比仙蘭吹丹粒以團砂投赤則功
逾神策謹分遺於寮案用宣

惠於黔黎疵癘潛消贊

大造均調之化平康用

錫宏

聖人長養之心所有

微臣

感激榮幸下忱理合恭摺

奏謝

天恩伏祈

皇上聖鑒謹

奏

道光三年四月二十七日具

奏五月二十八日奉到

硃批知道了欽此

相度潁州府應添弁兵無須移改叅遊摺片

再者潁州府移改叅遊添設弁兵一事前奉

上諭令

臣

會同督臣孫玉庭等度情形詳查妥議具

奏茲

臣

親歷各要隘相度形勢查得潁州府在省

城西北邊境距省幾及千里存城兵丁僅止二

百餘名應添設四五十名以資防守阜陽係附

郭首邑幅輳廣濶其西北鄉之沈邱集距治一

百二十里又西銅陽城距治二百一十里西南

鄉之艾亭集距治一百七十里稍南方家集距

治一百二十里均屬鞭長莫及現在沈邱集設

有巡檢一員方家集設有縣丞一員惟自鮑陽
經艾亭以達方家集一帶袤延二百餘里與豫
省之沈邱項城新蔡息縣固始等處犬牙交錯
離城既遠地偏俗悍匪徒出沒其間尤易藏奸
應移駐一官就近彈壓查潁州府同知現駐驛
口橋係阜陽腹地距城止九十里尙易照料應
將同知衙門改駐艾亭集督辦竊盜賭博案件
竝設把總一員兵四五十名該處爲西南邊界
適中之地可以四路照應再於鮑陽城方家集
各設外委一員兵各三四十名俾聲勢連絡緝

捕尤爲得力又亳州接壤豫省其西北鄉之減
種店東南鄉之張村鋪離城遙遠亦應添兵二
三十名外委二員所有添設弁兵在於江安各
營酌量裁減移賴招募無須額外增添亦無須
移改叅遊以免紛更除咨會督臣妥核辦理外
謹先將相度大概情形附片覆

奏伏乞

聖鑒謹

奏

道光三年四月十八日具

奏五月二十一日奉到

硃批查看明白會奏到時再降諭旨欽此

寧國旌德太平三縣民折官辦漕糧援案請由
司庫領銀採買徵還歸款摺子

奏爲安徽省寧國旌德太平三縣民折官辦漕糧
請援照江蘇省成案由司庫領銀採買徵還歸
款以免挪墊而裕

國儲仰祈

聖鑒事竊

臣

於道光三年三月具奏官墊民欠一案

并附片陳明墊解一事經此次分別追賠之後
各州縣自知儆畏不致再有挪墊惟寧國旌德
太平三縣因不通水路例由民折官辦該縣先

於甲年買米墊解乙年徵還與各屬情形不同
卽將來亦不能不照舊墊辦若預徵米價又於
民情不順且價值長落亦難懸定辦理殊多窒
礙查該三縣漕糧本屬無多莫如改徵折色歸
入丁地併徵實爲官民兩便容再確查情形奏
請辦理等因奉

硃批知道了欽此欽遵行司查議詳辦去後茲據藩
司徐承恩詳稱漕糧爲

天庾正供支放歲有定額該三縣漕糧共有九千餘
石如改徵折色卽於額數不敷另行籌議又多

窒礙惟思江蘇嘉定寶山等處亦俱民折官辦
定有章程隨經咨詢查得乾隆八年江蘇巡撫
陳大受奏請將嘉定寶山二縣漕糧援照江西
省瀘溪縣之例先動藩庫存公銀兩及時購買
兌運如存公不敷卽於正項內動支將用過銀
兩按米計算核明每石應輸若干出示徵收又
乾隆五十四年江蘇巡撫閔鄂元以阜寧等七
州縣民折官辦漕糧先經奏定於十月內照產
地時價由司庫領銀採買十一月內啓徵次年
二月徵完解司惟恐各州縣視爲無關考成或

致任意拖延奏請定限於次年二月以前徵解
還款如逾限未解卽將經徵接徵各職名隨同
地丁正項錢糧奏銷時另造一冊開叅按照未
完分數一律議處均經戶部議覆奏奉

諭旨允准歷年遵辦在案茲查安徽省寧國旌德太平
三縣民折官辦漕糧向在司庫匣費項下動借
銀兩先於水次蕪湖縣地方買米交兌一面按
照市價加以應需耗費運腳詳定價值出示曉
諭徵收還款近年以來司庫匣費無存由該三
縣自行籌墊知縣廉俸無多勢不能不挪借利

債暗中已有賠累且民間以銀係官墊與欠納錢糧不同不免拖延因之墊款歲有積壓今查江蘇成案於每年採買時確訪時價先動庫項給發購買兌運定限啓徵還款安徽省寧旌太三縣漕糧民折官辦情事相同似可酌量仿照辦理應請自道光四年新漕爲始仍責成該三縣每年就水次附近一帶產米地方按照時價卽於司庫正項內請領銀兩購買兌運將米價及耗費運腳等項一併按米計算核明每石應輸銀若干出示通諭各民戶攤徵還款惟江蘇

係十一月內定價啓徵今寧旌太三縣散處山鄉離水次較遠會詳府司層層考核均需時日應請每年於十月初旬卽由司酌發銀兩一面由縣詳查買米地方時價由府核明詳司報院趕緊批定價值以十一月爲限不得有逾以便該三縣遵照出示曉諭按數啓徵俾免遲延仍限次年二月徵完解司還款如逾限未解卽將經徵接徵各職名核明分數隨同丁地錢糧奏銷時另造一冊開叅按照未完分數議處如有虛開侵冒等弊照例嚴叅治罪等因前來臣查

安徽省寧國旌德太平三縣民折官辦漕糧前因
歷有墊欠擬請改徵折色茲經藩司查議漕糧
定額難以懸缺另行籌畫復多窒礙若酌量仿
照江蘇嘉定等縣現行成例由司庫領銀採辦
就產米地方價值及耗費運腳等項核明啓徵
立限解司歸款倘有延欠定以處分如此辦理
於向來民折官辦之例無所更張而不須賠墊
民間亦照常輸納而不慮拖延實爲官民兩便
謹會同協辦大學士兩江總督臣孫玉庭漕運
總督臣魏元煜恭摺具

奏伏乞

皇上聖鑒勅部核覆施行再該三縣道光三年因被水全行緩徵本年冬間屆限徵兌如蒙

俞允請照新定章程畫一辦理合併陳明謹奏

道光三年五月十二日具

奏六月十五日奉到

硃批戶部議奏欽此旋經戶部議覆應如所奏辦理於道光四年六月十八日具奏本日奉

旨依議欽此

全獲殺死一家七命兇犯審明定擬摺子
奏爲全獲殺死一家七命兇犯審明定擬具

奏仰祈

聖鑒事竊查前據署霍邱縣知縣徐成章詳報道光
二年閏三月二十三日
前署縣徐豐任內據報
於二十一日夜縣民葉占貴家被匪將其父葉
連母許氏兄占長姪朋孜殺死並將其嫂錢氏
姪東淋春淋用火炙死勘驗嚴緝無獲於二十
六日卸事移交該署縣徐成章接緝訊詳等情
經前撫臣孫爾準以日久未獲一犯會摺奏

奏請

旨將前署霍邱縣徐豐現署霍邱縣徐成章前代防
霍邱汛朱淮源暫革頂戴分別留任協緝旋准
部咨於道光二年七月十五日內閣奉

上諭孫爾準奏叅疎防接緝協拏之各員弁請革去
頂戴勒緝一摺此案霍邱縣民葉占貴家寅夜被
殺七命兇犯日久無獲實屬緝捕懈弛所有疎防
協緝之前署霍邱縣告病候補直隸州知州徐豐
接緝之現署霍邱縣知縣徐成章協拏之前代霍
邱汛千總効力武舉朱淮源均著革去頂戴徐成

章著暫緩送部引見留任勒緝徐豐朱淮源著留
於該縣地方協緝其本任千總閻光烈於報案一
月後始行回汛著暫免叅處仍飭令協同查緝如
果限內獲犯再將各該員并奏明分別辦理倘限
滿無獲卽行嚴叅欽此遵卽分飭嚴拏去後旋據
署霍邱縣徐成章會督徐豐家丁及營員朱淮
源閻光烈並道府委員黃承恩等於二年七月
十六八月二十一等日訪獲叢四陳全張要棕
到縣並據壽州知州龔式穀督同霍邱縣兵役
及徐豐家丁道府委員先後訪獲楊二麻孜汪

東連程敬趙金奉楊三麻孜并查起楊二麻孜
所當贓褲一條到州彼此嚴究均係殺死葉連
等七命案犯錄供通稟經前撫臣孫爾準行提
來省先委安慶府知府汪恩潁州府通判王友
仁等審辦因犯供狡展未克定讞臣到任後又

添委候補知府麟慶署懷寧縣朱士達等會審
明確擬議由臬司惠顯審解前來臣親提犯證
逐細研鞫緣叢四陳全趙金奉楊二麻孜楊三
麻孜汪東連籍隸霍邱縣程敬張要棕卽張耀
棕又名孫老九籍隸壽州均向不安分往來葉

連所住葉家莊地方與葉連見面認識道光元年十月二十五日夜陳全夥同在逃之胡麻孜朱麻孜吳文宇現獲之程敬張要棕行竊事主魯庭貴家牛隻經過葉連屋旁葉連聽聞犬吠點燈開門出看欲行拉奪陳全等趕牛疾走至趙金奉家窩藏次日葉連聞知魯庭貴被竊隨通知魯庭貴將贖牛起獲並囑事主指名控縣經前署縣徐豐飭差嚴拏陳全等俱各潛匿葉連又幫同捕役跼緝嗣陳全途遇葉連卽向跪求葉連聲言定行拏送爲地方除害當向捉拏

陳全逃跑心懷忿恨起意致死葉連洩忿因其力大未敢動手二年閏三月十六日陳全會遇素好之叢四趙金奉楊二麻孜邀至空地告知前情密約相幫並囑楊二麻孜再邀數人助力均各應允約定二十一日在隱賢集外會齊陳全又邀程敬張要悰楊二麻孜轉邀汪東連並弟楊三麻孜至二十一日傍晚先後走至各犯攜械徒手不一路過彭塔寺地方至李上年飯店食飯李上年向問各犯答稱往葉家莊有事囑勿多管食畢動身一共八人二更時候同至

葉連門首叢四爬牆進內開出大門一齊進院
留程敬楊三麻攷張要惊在院看人葉連驚起
開出堂屋門喝問陳全聽係葉連聲音喝令動
手楊二麻攷趕進卽用扁担毆傷葉連額顙趙
金奉用短刀連砍其偏左偏右側跌倒地擦傷
左太陽穴左胎膊左乳左肋左腿葉連翻身欲
起被陳全用柳葉尖刀連砍腦後登時殞命葉
連之長子葉占長自東房內拏庫刀趕出救護
叢四用扁担將刀格落房內射出燈光葉占長
認係叢四指名嚷罵叢四因其叫破姓名當稱

殺人不死反爲仇不如將伊一家斬草除根免
使指名報官喝令各犯動手因葉占長彎身拾
刀叢四卽用扁担狠毆一下致傷葉占長左後
脇跌地亂滾擦傷右腮腠左胎膊左膝脊背立
時殞命葉占長之妻錢氏帶同幼子東淋春淋
在東房床上睡臥喊救叢四趙金奉陳全趕入
叢四揭起蓋被見錢氏赤身頓起淫心卽按住
欲行強姦錢氏掙拒不從詈罵拚命叢四忿極
聲稱將其燒死當令趙金奉搬取秫秸亂草置
放堂屋地上點燃一面令陳全手揪錢氏頭髮

叢四捉住兩腳將錢氏擡至火上燒炙錢氏痛極兩手亂抓叢四復令趙金奉將錢氏右手捉住陳全亦用右手夾住錢氏左胳膊將錢氏仰面燒炙復翻身燒其合面錢氏罵不絕口而死其幼子葉東淋年甫五歲躲於房內牆角哭喊叢四將其提出撩入火內葉春淋年甫二歲在牀啼哭陳全又進內將其提出撩入火內均卽燒死其時楊二麻攷汪東連於叢四喝令動手後卽趕入西房內見葉連之妻許氏在牀披衣起身楊二麻攷放下扁担將其側身按倒汪東

連用木棍打傷許氏右眼并右耳根相連項頸
滾跌牀下身死葉占長次子葉朋孜與許氏同
牀睡宿被汪東連拖落牀下擦傷左腮腴右肋
楊二麻孜接過汪東連木棍毆傷葉朋孜額顙
亦卽殞命陳全復至西房見有水牛一條觸起
葉連幫起贖牛之事用刀將牛戳斃楊二麻孜
在房內順取衣被錢文一同逃逸維時葉連之
次子葉占貴與葉占長之長子葉法孜在堂外
西箱房內同宿陡然驚醒聽聞哭喊殺人聲音
又見火光駭暈不能出聲良久始甦未經被害

報經前署縣徐豐會營勘驗嚴緝旋卽卸事移交該署縣徐成章接緝訊詳經前撫臣孫爾準會摺奏

奏奉

旨將徐豐徐成章及代汛千總朱淮源革去頂戴留緝遵飭嚴拏旋據該員等與壽州知州龔式穀等先後訪獲叢四等八犯訊供起贓通稟行提來省先後飭委安慶府知府汪恩等審擬由司解勘臣親提研鞫據各供認前情不諱詰無起衅別故及另有同謀加功之人贓有起獲給主

認明正兇無疑查律載殺一家非死罪三人者
凌遲處死財產斷付死者之家妻子流二千里
爲從加功者斬不加功者依謀殺人律減等以
臨時主意殺三人者爲首又載謀殺人造意者
斬不加功者杖一百流三千里又例載殺一家
三人以上兇犯審明後依律定罪一面

奏

聞一面恭請

王命先行正法又載因他事殺人後偶見財物因而
取去者審無圖財之心仍依本律科斷各等語

此案陳全因竊魯庭貴牛隻被葉連通知事主起賊幫同緝捕心懷忿恨起意糾邀叢四等殺死葉連洩忿是該犯陳全初意向止謀殺一人迨致死葉連之後叢四因被葉占長識破臨時起意致死一家滅口復同各犯先後毆死葉占長葉許氏葉朋孜併燒死葉錢氏葉東淋葉春淋六命自應照律以臨時起意之叢四爲首叢四合依殺一家非死罪三人者凌遲處死律凌遲處死該犯造意殺死一家手斃葉占長並因強姦不遂將守正不污之葉錢氏及幼嬰葉東

淋燒死實屬窮兇極惡未便稍稽顯戮

臣於審

明後卽照例恭請

硃批

王命飭委臬司惠顯安慶營副將長喜率同文武將

可照之王

該犯叢四綁赴市曹先行正法仍傳首犯事地

方臬示以昭炯戒陳全起意殺死葉連一人復

臨時聽從叢四致死一家在場加功應從重問

擬陳全除謀殺葉連罪止斬候不議外應照殺

一家非死罪三人爲從加功者斬律擬斬立決

該犯幫同燒死葉錢氏後又將年甫二歲之葉

春淋撩入火內燒斃慘忍已極應加擬臬示楊

二麻孜於打死葉許氏等之後順便攫取錢衣其初本無圖財之心應與在場加功之趙金奉汪東連俱照殺一家非死罪三人爲從加功者斬律均擬斬立決先行刺字程敬楊三麻孜張要棕卽張耀棕又名孫老九三犯聽從謀殺未經加功惟同惡相濟致成慘毒重案若照謀殺人從而不加功律擬以杖流未免輕縱均請發往新疆給官兵爲奴汪東連張要棕尙有行竊六安州事主楊步路家臨時行強一案俱在院接贓係情有可原汪東連應從重歸於此案擬

結張要悰所犯兩案罪名相同亦歸此案擬結
惟究係免死減等盜犯仍盡本法面刺強盜字
樣葉錢氏猝被強暴守正捐軀洵屬節烈可嘉
應附請

旌表以維風化叢四訊無妻子亦無財產應毋庸議
李上年訊非知情免其置議無干省釋起贓給
主未起追賠行竊脅庭貴家牛隻案內逸賊胡
麻孜等飭緝獲日另結此案首從八犯業於接
緝限內全行拏獲其首犯叢四陳全及從犯張
要悰三名係署霍邱縣知縣徐成章會同前署

縣侯補直隸州知州徐豐前代防霍邱汎千總
効力武舉朱淮源緝獲其楊二麻孜等五犯亦
係該員等協拏尙知愧奮其原叅暫革頂戴之
處可否仰懇

皇上天恩准其開復如蒙

俞允徐成章陞補霍邱縣知縣應給咨送部引

見徐豐先經告病應給咨回籍調理所有首先獲犯

及協獲應敘各職名容

臣

查明再行分別辦理

除前案供招送部查核並將六安州事主楊步
路家被竊臨時行強一案另辦外謹將獲犯審

擬緣由會同協辦大學士兩江總督

臣

孫玉庭

恭摺具

奏伏乞

皇上聖鑒勅部核覆施行謹

奏

道光三年五月十八日具

奏六月二十三日奉到

硃批另有旨欽此同日奉到

上諭一道道光三年六月初五日內閣奉

上諭陶澍奏全獲殺死一家七命之兇犯一摺此案

霍邱縣民葉占貴家黃夜被殺七命前因兇犯日久無獲降旨將疎防協緝協拏各員革去頂戴勒緝茲據該撫奏稱首從八犯該員弁等於限內全行拏獲尙知愧奮前署霍邱縣候補直隸州知州徐豐署霍邱縣知縣徐成章代防霍邱汎千總効力武舉朱淮源俱著准其開復頂帶徐成章業經陞補霍邱縣知縣著卽送部引見徐豐先經告病著給咨回籍餘著刑部速議具奏欽此

附奏獲匪懲辦摺片

再臣前於巡閱潁鳳一帶訪有積惡匪徒二十
八名附片具

奏在案

臣

比卽密派員弁改裝易服不動聲色分

路偵緝旋據委員候補從九品金應祁把總李
義等會同地方文武將王添曉武炳元卽武炳
文卽三楊大沅陳茂卽程茂王愷卽王琯拏獲
內王添曉武炳文王愷三名接據督臣孫玉庭
來信現在奉

旨查拏當卽派員押送江寧歸案審辦又張建禮一

名亦經署靈璧縣黃光裕會同督臣委員拏獲

解往江寧續又據各屬暨委員主簿何瑋從九

張鈞金應祁等拏獲褚會明王甫王騷李寃王

其李克盛劉八兒夏五國公卽夏寬張細狗卽

趙細狗亦經宿州知州蘇元璐前署宿州劉用

錫阜陽縣知縣孫靈府先後拏獲又據蒙城縣

楊忻派丁赴河南永城縣拏獲蔡五一名惟武

蟒精經宿州拏獲後病死張建仁一名亦先經

病死計臣途次所奏各犯已獲十七名已死二

名尚有李天罡張保兒周二小姐等出入徐豫

各境一俟偵有回籍消息卽可立時掩獲此外
又據宿州獲有趙克義周作浩盱眙獲有馬克
簡卽馬四長腿梁廷棟石文彩蔣學韜壽州獲
有王天曉打手卞二麻均係積惡匪徒經臣節
飭查拏陸續就獲各員弁頗知奮勉至拏獲各
犯獷悍素著百姓畏其挾嫌報復往往受害不
敢報官現在嚴查究訊或挖人眼睛或庇藏梟
匪或拒捕脫逃實屬兇惡匪徒應照例重辦卽
或無案可查亦當嚴行懲押以靖地方其從前
因緝捕被害如葉連一案業已兇犯全獲按律

懲辦尙有蒙城縣范羅村地保李時因捕拏賊
匪謝幅被其慘札多傷斃命除謝幅業已就獲
另行照例辦理外臣仍酌賞銀兩給李時家屬
俾因公受害者有所獎卹庶良懦之氣獲伸而
匪徒無從託足矣所有現獲匪犯懲辦情形合
併附片以

聞謹

奏

道光三年五月十八日附片具

奏六月二十三日奉到

殊批所辦甚好知道了欽此

再請覆豁皖省銀項摺子

奏爲皖省請豁銀項接准部咨尙多未經議覆之款奏乞

天恩勅部一體查辦以普

皇仁而杜糾轆事竊照安徽省查豁各官攤捐賠償等款原報續查共請免銀二百四十七萬一千七百七十二兩零制錢三千三百七十一串零米麥豆三萬四千五百石零經前撫臣孫爾準繕具清單奏懇

天恩一體豁免欽奉

硃批戶部知道欽此欽遵在案茲

臣

接准部咨除並

無部案年月暨定案在

恩詔以後者均毋庸查辦外其有部案年月在

恩詔以前者共應免銀一百四萬二千六十六兩零

米麥豆九千六百三十八石零開單咨覆到

臣

當將部單督同藩司徐承恩與原造底冊逐款

較對仍未免銀一百四十二萬九千七百六兩

零米麥豆二萬四千八百六十二石零錢三千

三百七十一串零內原報五次清查案內各款

銀十四萬一千九百九十九兩零米麥豆五千

八百五十三石零專案著賠銀三百七十七兩
零工程核減銀一千三百八十一兩零各員借
廉銀一千七十七兩零又服官外省人員彙歸
安徽原籍查辦銀五十一萬一千八百五兩零
錢二千四百七十四千文零又續查五次清查
案內提歸另冊各款銀十七萬五千七百五十
五兩零又嘉慶十九年以後各款銀五十九萬
七千三百一十二兩零錢八百九十七千文零
麥豆一萬九千七石零均未議覆伏查部議以
定案年月之先後報部案據之有無分別應免

應追以杜捏款浮開之弊固屬至當但安徽省原報五次清查案內款項係嘉慶二十二年十二月經前撫臣康紹鏞

奏明在案其服官外省人員賠罰銀兩或內有彼省定案之時未經報部然安徽省接准咨追確在嘉慶二十五年八月二十七日

恩詔之前案由外省咨歸彙辦更無所容其牽混至續查請免各款先經前撫臣李鴻賓於籌辦清查摺內

奏明俟清查核定另行奏辦又經前撫臣孫爾準

以同一免款分別兩案不特辦理參差抑且易滋牽混於上年六月

奏請展限一併趕造入冊請免欽奉

上諭孫爾準奏應豁款項請展限稽核一摺安徽省各員應豁款項人數衆多款目繁雜再須添造更正稽查非易現在已屆六月爲期較迫著准其展限三個月務將各款全數查明登造悉心考核毋得牽混舛漏該部知道欽此又在案則是續查添造之款荷蒙

皇上浩蕩之

恩欽奉

允准而原報款項亦先經

奏明與並無

奏准案據者似屬有間況安徽省倉庫輻輳久邀
聖明洞燭其故皆由於歷次清查均有不實不盡且
攤捐款項較多遂致陋習相沿率難展布此次
查免清查兩案臣在藩司任內欽遵

諭旨全數查明登造督同局員逐款勾稽凡應追應
免均經根查底據絲毫不敢舛漏其清查案內
應追各款現奉

上諭分限追繳而查免案內應豁各款部議猶以並無部案年月未准一例查豁則從前轆轤之款仍不能澈底澄清且同此攤捐賠罰之款追免各異在州縣勢必藉口賠累又啓流攤之漸與臣前次

奏定清查章程及杜絕新虧之法諸多窒礙臣受恩深重斷不敢稍存瞻徇予以寬假然源不截則流不盡亦不敢不據實直陳於

聖主之前合無仰懇

逾格恩施

四庫全書
卷一百一十五
奏明奉
俯念皖省應需款項係

奏明奉

旨查辦之件

勅部一體議覆庶幾積累全清新虧永杜除再行造

冊咨部外理合恭摺具

奏伏乞

皇上聖鑒施行謹

奏

道光三年五月十八日具

奏六月二十三日奉到

硃批戶部查核具奏欽此九月初三日准

戶部咨爲奏明事江南司案呈本部核覆安徽巡撫陶澍奏續請豁免官員賠項一摺於道光三年七月二十八日具奏本日奉

旨戶部議覆陶澍奏安徽原報請豁免銀米各項除業經准免及例不准豁之攤扣部借養廉銀兩外其查有案據在恩詔以前者共銀五萬一千三十三兩零米七百六十四石零俱著准其豁免此外查無案據銀四萬四千六百七十兩零著不准其豁免至續查請豁銀七十七萬三千六十七兩零錢

八百九十七串零米麥豆一萬九千七石零該省
查報旣在恩詔以後仍令該撫妥籌追補以重帑
項欽此相應鈔錄原奏清單行文安徽巡撫遵照
可也須至咨者

附奏覈辦漕項外訛摺片

再安徽省錢糧舊案如裁減捐款津貼顏料幫補衝途並車腳燬串等案臣在藩司任內均經次第查辦分別詳

奏咨覆至清查查免存庫墊經名件亦經臣詳晰查明奏奉

諭旨欽遵在案此外尚有嘉慶二十二年以前節年民欠地漕銀米一案經前撫臣姚祖同彙數具奏仰蒙

恩旨全行豁免接准部咨行令查明准免銀米細款造

冊

題銷因漕務係糧道衙門經管當據前任江安糧道祥德將漕項漕糧銀米數目彙同江蘇省准豁各款先行分案詳

題其准免丁地等款細數亦經藩司衙門分項造冊詳送當將地漕兩項彙核併計與原奏總數稍有未符駁飭覆查茲據署藩司惠顯檢齊案據分年分款逐細查明核計丁地等項銀米各款與

奏奉

思旨准免之數悉屬符合惟查糧道前造冊內誤將無
爲州燬串銀六千一百二十兩零米一萬四千
四百三十七石零又該州挖廢田畝銀一百二
十九兩零米七十五石零又各屬漏未請豁民
欠銀一千二百三十兩零米一千二百四十七
石零一併列入致有舛誤查無爲州燬串並挖
廢田畝二案銀米係屬准豁之款俱已另案請
免惟漏豁民欠銀一千二百三十兩零米一千
二百四十七石零係漏豁在前補造在後按例
自當著賠未便以爲數無多誤入准免數內臣

已嚴飭該管糧道將漏豁銀米詳晰確查容俟
查明漏報員名著落賠補仍歸漕項漕糧本案
咨部核辦除將地丁等項准免銀米各確數照
例具

題外所有查出漕項款數并訛現在核實辦理緣
由謹附片具

奏

道光三年五月十八日具

奏六月二十三日貴池途次奉

硃批悉心明白查辦如有應奏之處具摺奏聞欽此

附奏續獲匪犯審辦摺片

再臣前於巡閱潁鳳時訪有積惡匪徒當卽密派員弁會同地方文武分路偵緝獲犯王添曉李克盛等十餘名先後附

奏在案尙有趙四等未獲復督飭嚴拏茲據潁州營遊擊彭鎮川稟據候補外委王梅馬占鰲等督同府縣各役訪至河南鹿邑縣拏獲張保兒一名解交阜陽縣訊據該犯前因楊印窺破伊父竊情隨同病故之竊匪王義將楊義緝縛掠棄河內溺斃被獲擬絞道光元年六月恭逢

恩赦釋放仍以搶竊爲事糾夥王寅馬鎖等屢次竊奪牛隻勒贖各事主畏其兇惡均未報案又據阜陽縣知縣孫靈府稟同候補千總呂秉悅等踴探得趙四輩三在河南邊界藏匿隨飭兵役拏獲鞏三一名復又追至距阜境三百餘里之項城縣南頓地方設法將趙四誘出同該境兵役圍拏擒獲搜出身帶標刀二把並獲積兇捻夥楊氣一名解經孫靈府究出該犯趙四綽號趙四大王又號趙四老虎曾同楊氣及夏五國公卽夏寬等二十餘人結捻持刀往來豫省邊

界糾竊勒贖多次並點放擡鎗逞兇糾毆事主
多未報案並聽從尹刻榮毆死王東山隨同丁
大漢行劫李來泰貨店等情又據阜陽縣役會
同新蔡縣役拏獲秦照一名有匪黨黃狗邀人
追奪當卽繞道至新蔡縣將秦照暫交收管稟
請咨題前來臣查趙四係著名捻首楊氣相爲
狼狽鄉民被害不敢聲張此拏彼竄從未獲案
此番追蹤至豫一併就獲必須窮究黨夥無分
畛域密拏嚴懲以靖地方除飛咨河南撫臣飭
將秦照解穎歸案辦理外所有續獲匪犯審辦

緣由合併附片以

聞謹

奏

道光三年五月十八日附

奏六月二十三日奉到

硃批所辦甚好設法偵緝務淨根株欽此

潁亳宿三營添設官兵移駐文武摺子

總督會稿

奏爲潁亳及宿州地方緊要必須酌添官兵移駐文武員弁以重巡防俾藉

聖鑒事竊照安徽省潁州府境處省北邊境附府之阜陽縣幅輳遼濶袤延五六百里原設兵力單薄經調任撫臣孫爾準

奏請移改叅遊添設弁兵一案奉

上諭據孫爾準奏潁州府與豫省接壤爲紅鬃捻匪出沒之區防緝宜周兵力尙單現與督臣咨商移改叅遊添設弁兵員缺名數並調撥各營分名糧

未及會奏移支新任巡撫查辦等語著陶澍會同
孫玉庭籌度現在情形是否必須添設再行詳查
妥議明白具奏不可徒事更張有名無實也將此
諭令知之欽此

臣陶澍遵卽

奏明俟查春賑之便順道赴彼熟察情形再與
臣孫玉庭妥議具

奏在案今臣陶澍由壽鳳宿州前赴潁州觀歷各
要隘卽度形勢該府所屬阜陽亳州必須酌添
弁兵並移駐文員以資彈壓其鳳陽府所屬之
宿州輻輳廣袤亦有應增汛防之處至叅將與

遊擊職分不甚相懸且叅將所駐之六安州與楚省接壤亦關緊要似不必更張移易咨商臣孫玉庭會核情形通盤籌計緣潁郡在省城西北邊境距省幾及千里阜陽乃附府首邑與河南之項城沈邱新蔡息縣固始等縣接壤時有豫省紅鬍匪徒竄入滋擾其北界則亳州太和東界則宿州蒙城等州縣距城一二百里不等緝捕巡防護解餉鞘人犯在在均需兵力查潁州營額設遊擊一員守備千總各一員把總四員外委二員額外五員馬步兵丁五百六十五

名內除分防蒙城守備把總外委額外各一員
兵丁一百六十九名外郡城駐劄遊擊一員千
總一員額外二員存城兵二百四十三名其餘
一百五十三名分駐阜陽之老鶴巷驛口橋王
市集六十里鋪方家集鮑陽城劉家集董家集
七里鋪等九汛多則三四十名少則十餘名察
看形勢實覺單薄應請添設存城兵丁五十名
以資操防差委至於老鶴巷等九汛所設弁兵
原屬多寡適宜然兩省接壤之區扼要尤在邊
界如西北鄉之沈邱集距城一百二十里又西

鯛陽城距城二百一十里西南鄉之艾亭集距城一百七十里稍南方家集距城一百二十里均屬鞭長莫及查沈邱集本設有巡檢一員方家集設有縣丞一員惟自鯛陽經艾亭以達方家集一帶袤延二百餘里與豫省之沈邱項城新蔡息縣固始等處大牙交錯離城既遠地偏俗悍匪徒出沒其間尤難防範從前並未議設弁兵本欠周密且艾亭集地方衝要爲西南邊界適中之地必須大員駐劄方資控馭查該府本有捕盜同知一員駐劄驛口橋距城一百里

尙易照料應將該同知移駐艾亭集地方作爲
撫民總捕同知凡逃盜逃兇私販私宰賭博打
降以及附近民人錢債田土細故所犯在枷杖
以下者責成該同知就近分別緝拏審理其罪
犯徒流以上一切命盜姦拐等案仍歸有司經
理毋庸攬越該處應添設把總一員兵丁四十
名以重巡防再鮑陽城本無額駐弁兵係於方
家集防兵內分駐五名而方家集只存兵五名
均不足以資巡防應每處添兵二十五名共成
三十名各添外委一員管帶又亳州接壤豫省

其西北鄉之減種店僅設防兵九名東南鄉之張村舖僅設防兵四名地方曠野離城遙遠不足以資彈壓應請各添兵十五名增添外委二員管帶巡防又查宿州地方村鎮通境二百一集週圍六百餘里宿州州同駐剗灘溪集分管西北四十四集捕務內有東北鄉二集州判駐剗臨渙集分管西南三十七集捕務並各設有外委一員於分管各集巡緝彈壓尙能周顧惟正西通達豫省及正東東南東北等處一百二十集捕務俱屬吏目分管近城鎮集尙知畏法

餘則曠悍成風吏目有管獄之責不能常川赴
鄉查緝所管集分較州同州判多至倍蓰而分
汛武職又僅止正西之百善驛設有把總一員
東南之湖溝集正東之大店集各設有外委一
員其東北數十集並無營弁專駐吏目既有鞭
長不及之虞而營弁聲勢亦未聯絡曾據署宿
州知州劉用錫稟請於東北之時村集添設巡
檢弁兵以資彈壓經臣陶澍周歷宿州查看洵
係實在情形各屬巡檢既無可裁之員又難額
外增設惟查前設南平撫民同知案內曾將鳳

陽府司獄一缺改作南平照磨嗣因南平又改
爲捕盜同知無須照磨而府司獄裁改之後亦
未復設此缺尙在空懸司獄與巡檢品級廉俸
均屬相等應請將前裁之司獄改作巡檢駐劄
東北之時村集地方分管六十集並添設外委
一員卽於該營存城兵丁內抽撥兵十名派給
外委駐劄時村集以資巡緝再於北鄉之夾溝
驛添設外委一員並添兵十名駐劄巡防統計
潁州營添設把總一員外委二員兵丁一百四
十名亳州營添設外委二員兵丁三十名宿州

營添設外委二員兵丁十名並於該營移撥兵
十名如此星羅碁布聲勢聯絡兵威旣壯緝匪
安民均資得力案查嘉慶十八年海州揚州二
營添兵案內經前督臣百齡奏請於江安各營
內分別裁撥其增添員弁等官俸薪銀兩仰蒙
諭旨准其作正開銷等因欽遵在案今潁郡並亳宿兩

州三營酌請增設官兵其一切俸餉若概請加
增則經費有常難以額外開銷茲亦倣照前辦
成案所有添兵一百八十名卽在於江安各標
營內分別抽裁移撥毋須另外增餉軍裝器械

隨糧移解至請添把總一員每年應支俸薪養廉馬乾等銀共計一百五十一兩二錢又請添外委六員係在馬兵數內仍食馬餉惟每員歲需養廉銀十八兩爲數無多均應請照海場二營添設官弁應支俸薪之案作正開銷兵房衙署由司籌議捐建以歸節省如蒙

俞允所有一切未盡事宜另飭藩司會議詳請分別題咨辦理臣等因要地須重巡防起見悉心籌議往返咨商意見相同謹合詞恭摺具

奏伏乞

皇上聖鑒訓示謹

奏

道光三年五月二十七日具

奏七月初四日奉到

硃批軍機大臣會同該部議奏欽此九月十五日准
兵部咨會議得安徽潁州等營應添移文武員
弁兵丁以資巡緝等因一摺奉

硃批軍機大臣會同該部議奏欽此

臣等伏查

云

吏部查定例大小各缺如有實因繁簡不符必
須隨時酌改之處令各督撫分別缺之大小如

丞倅牧令之缺應請改繁者卽於丞倅牧令缺
內改簡互換其佐雜之缺卽於佐雜內酌改等
語溯查嘉慶八年八月議覆兩江總督費淳等
奏稱安徽宿州南平集地方設立撫民同知將
寧國府總捕同知裁汰移駐並添設同知照磨
兼理獄務鳳陽府司獄裁汰等因奉

旨依議欽此嗣於十三年四月據護理安徽巡撫鄂雲
布等奏請將鳳陽府南平集撫民同知改爲鳳
潁二府分防捕盜同知原添同知照磨准其裁
汰至裁汰鳳陽府司獄毋庸議覆等因奉

旨依議欽此欽遵各在案今該督等復請將鳳潁二府
捕盜同知移駐艾亭集地方作爲撫民總捕同
知前裁之司獄改爲巡檢駐劄宿州時村集地
方以資巡緝該督等係爲慎重地方起見亦應
如所請准其將鳳潁二府捕盜同知移駐艾亭
集地方作爲撫民總捕同知仍定爲繁難要缺
在外揀選題補至添設巡檢一員查嘉慶十三
年該省將同知照磨裁汰後並未復添缺分今
宿州時村集地方添設巡檢一員應准其復行
添設仍定爲選缺歸於月分銓選至現任鳳潁

二府捕盜同知張鳳翽是否能勝新移之任應
聽該督等分別辦理並武職請添把總外委等
弁移撥兵丁之處亦與營汛操防有裨應准於
潁州營屬之艾亭集添設把總一員銅陽城方
家集併亳州營屬之減種店張村舖宿州營屬
之時村集夾溝驛各添設外委一員分帶兵丁
巡防至請添把總外委應支俸薪養廉馬乾等
銀應請照海揚二營添設官弁應支俸薪之案
作正開銷應如該督等所奏在於司庫正項耗
羨銀內分別動支統於兵馬耗羨各奏銷案內

造報戶部查核兵房衙署由司籌議捐建以歸
節省應如該督所奏辦理潁州營請添存城兵
丁五十名該營屬之艾亭集請添兵丁四十名
銅陽城方家集二處每處請添兵丁二十五名
亳州營屬之減種店張村鋪二處每處請添兵
丁十五名並將密州營存城兵丁內抽撥十名
移駐時村集又於密州營添兵十名所有添兵
一百八十名卽在於江安各標營內分別抽裁
移撥毋須另外增餉軍裝器械隨糧移解均應
如該督等所奏辦理其餘一切未盡事宜旣據

該督等聲明另飭會議詳請分別題咨辦理應
俟題咨到日再行核辦等因於道光三年七月
二十二日具

奏本日奉

旨依議欽此相應知照可也

查勘潛山望江南陵繁昌各縣被水情形親往

撫卹摺子

附片一件

奏爲潛山望江南陵繁昌等縣圩壩沖缺低窪田地被水淹浸親往查勘仰祈

聖鑒事竊照皖省春間暘雨調勻入夏以來安慶府屬暨大江以南各州縣雨水較多麥收稍歉臣已於四月分雨水情形摺內

奏報在案今自五月初八日至十二日又自十六日至二十四日先後大雨經旬據潛山縣知縣常景周稟報城北一帶逼近萬山連日雨勢如

注山水漲發隄壩沖潰漫灌入城低窪處所水深數尺驛路亦多阻隔現將被水居民在於高處搭棚棲止散給饘餅以資餬口一面確查有無淹損人口坍塌房屋另行稟報等情又據望江縣知縣鄧資報稱縣境西圩妙光岡一帶地勢稍低山水奔騰圩身沖潰兼上游江廣水發河湖頂漲水已入城雨尚未止現在多積人夫將沖潰圩身趕緊修築稟請委勘等情又據南陵縣知縣劉邦鼎稟報縣境東北兩鄉盡屬圩田最爲低下因大雨連旬所有上洲壩義成圩

隄埂各沖裂二三十丈又西河鎮之管嘴灘隄
埂沖裂一百餘丈以致周圍數十里之圩壩一
片汪洋儼成澤國廬舍漂沒居民避棲高埂隨
經捐給饒餅趕緊設法疏洩但江水盛漲外高
於內卽經涸復而蓋藏已無實堪憫惻稟請撫
卹等情又據繁昌縣知縣張星煥稟報縣境界
連涇縣旌德陰雨連綿山水下注兼之大江迭
漲無處宣洩最低之永慶圩等八圩南圩保大
等六十三圩稍低之主簿埠等四十二圩隄壩
沖潰積水四五尺不等凡濱江蘆洲及建陽衛

屯田亦俱被淹現在督率農佃人等晝夜車戽
以冀涸復請委勘辦等情臣查該縣等所稟被
淹情形均屬急切當飭藩司委員馳往分路查
勘臣卽日乘舟順流赴繁昌南陵一帶妥爲撫
卹所有臣衙門日行事件照例委藩司徐承恩
代拆代行其潛山望江兩處地居上游離省較
近現已委員往勘俟覆到時如有應需撫卹之
處卽由藩司就近遴委大員速往辦理至現在
驛路多淹文報遲滯尙有被水未報到州縣容
當續查妥辦務使復業安廬人皆得所以仰副

聖主視民如傷之至意再各屬自二十四日以後天氣漸霽禾苗均已長發青蔥其被水各處節候甫屆小暑尚可補種除俟查勘切實情形再行奏辦外合將臣親往撫卹緣由會同兩江總督臣孫玉庭恭摺具

奏伏乞

皇上聖鑒謹

奏

正拜摺間又接南陵縣稟稱督率農民趕緊修築冲缺尙未竣工適江水增長溪河頂漲又被

沖缺積水汪洋難望卽時涸復繁昌稟報情形
亦復相同臣仰體

硃批

皇上宵旰痼瘼之意已飭藩司卽日發銀四千兩星

甚好

速分解南陵繁昌二縣趕辦餽餅撫卹臣仍酌

帶銀四千兩沿路察看情形酌量辦理如有應
行借給籽種或緩徵錢糧之處臨時由驛具

奏以期迅速再本日接到蕪湖縣稟報該處隄圩
間多沖缺當塗縣稟報圩內積水增長無爲州
江壩亦有滲漏臣自應一路挨查辦理合併附

聞謹

奏

道光三年五月二十九日具

奏七月初十日奉到

硃批悉心察看妥爲撫卹毋致一夫不獲通行勘明
後再行據實奏聞欽此又夾片一件同日奉
硃批查勘明白一併覆奏欽此

勘辦銅陵無爲繁昌蕪湖當塗被水撫卹情形
摺子

奏爲勘辦銅陵無爲繁昌蕪湖當塗被水撫卹情
形併順道勘視各屬淹浸仰祈

聖鑒事竊照繁昌南陵潛山望江四縣被水前經
奏明親往查勘併將蕪湖當塗無爲三州縣具報
隄圩江壩漫缺情形附

聞在案臣拜摺後連日趕辦奏銷訖卽由水路起程
復據無爲繁昌等處稟報漫漬更多銅陵縣亦
報圩田蘆地被淹廬舍坍塌臣聞信之下不勝

惶灼比卽順道先由銅陵查勘得該縣之白二
陶村等五耆濱臨大江地勢本低江壩被沖淹
成巨浸其合一等四耆盡係圩田隄埂塌卸積
水亦深大欄等三耆與十四蘆洲亦均被淹復
赴無爲州查勘該州三面臨江惟西北近山其
餘皆圩專藉江隄爲保障自大雨以來江湖泛
溢官民竭力堵築日夜防守五月二十五日雨
止風起由劉家渡漫溢七八丈張家灣同時漫
口十餘丈以致襄一銅一等里共三百六十五
圩田禾盡沒又南三太七等二百餘圩亦被淹

浸尙有義成青山畢新等二十九圩勢亦危險
現在竭力搶護隨赴繁昌縣地界登山觀望水
勢已深旋查得該縣東鄉之護城圩西鄉之義
興圩南鄉之湖莊圩北鄉之萬家圩等共一百
四十五圩因連次江河水溢田禾俱被淹損
衛地蘆州亦俱被淹尙有濱江數圩現在竭力
保護又勘得蕪湖縣境東鄉之陶辛圩西鄉之
邊江圩南鄉之鳳林圩北鄉之博望圩等共一
百二十六圩均瀰漫一片關署亦被淹浸又
勘得當塗縣境西南北三鄉臨江東界丹陽湖

地處下游因雨水過多江湖並漲以致田畝最多之大官圩被頂溢潰其先淹各圩受水更加計東鄉之范家埠西鄉之李家埠南鄉之泥山圩北鄉之前後陶莊等處共三百五十二圩埠盡被淹浸以上各處經臣率同府州縣暨委員等逐一親勘亦有隔水不能指出隄埂者詢問耆民僉稱本年雨水既多加以上游江廣之水漲注不休被淹情形與乾隆五十三年相等幸水勢尙緩傷損人口無多均經打撈掩葬居民避居土埂亦經地方官搭蓋蓬蓆散給饘餅暫

資餬口惟蓋藏已少

臣

於履勘之下慘惻萬分

一面宣播

皇恩將被水軍民給與撫卹一面飭令各州縣減價平糶俟水勢稍退卽設法疏消趕緊補種秋糧倘或補種無望再當籲請

恩施務俾被水貧民俱各得所以副

宸厯再現在上游之懷寧桐城東流績溪均報被水業經藩司徐承恩星速遴員往勘其望江潛山二處亦經藩司酌給撫卹至下游各處撫卹如有未敷卽由蕪湖關就近放給以歸迅速事後

由司解還仍飭該管道府嚴查確核事竣報銷
日來天氣已晴地方安謐臣卽改由陸路赴南
陵並將續報被水之宣城涇縣青陽貴池等處
一路挨查合將勘辦撫卹情形由驛具

奏伏祈

皇上聖鑒謹

奏

道光三年六月初十日蕪湖舟次由驛具

奏七月初二日准

兵部火票遞到欽奉

硃批卽有旨欽此同日奉

上諭一道內開道光三年六月二十一日內閣奉

上諭陶澍奏勘辦被水州縣情形一摺安徽銅陵無
爲繁昌蕪湖當塗五州縣因本年雨水過多加以
上游江水漲發以致圩埤漫溢民田廬舍被淹經
該撫親往履勘損傷人口無多業經飭令掩葬居
民避居土埂亦經地方官搭蓋蓬蓆散給饌餅窮
黎食息有資惟戶鮮蓋藏殊堪憫惻著加恩將被
水軍民一體給予撫卹一面飭令各州縣減價平
糶俟水勢稍退卽設法疏消淨盡俾得補種秋禾

倘一時不能疏消難資耕作卽據實奏請恩施其
上游之懷寧桐城東流績溪均報被水著迅速遴
員履勘望江潛山二縣並著加恩酌給撫卹至下
游各處撫卹如有未敷卽由蕪湖關就近迅速放
給再由司庫解還仍飭該管道府認真查辦核實
報銷其續報被水之宣城涇縣青陽貴池等處並
著該撫親往挨查奏明辦理毋令一夫失所用副
朕乘時布澤至意該部知道欽此

續勘宣城南陵青陽貴池桐城被水分別撫卹
情形摺子

奏爲續勘宣城南陵青陽貴池桐城暨委勘各屬
被水分別撫卹情形仰祈

聖鑒事竊臣前於六月初五日自省起程查勘下游
被水各州縣業將銅陵無爲當塗蕪湖繁昌五
處撫卹情形於初十日由驛馳

奏在案臣比卽由宣城至南陵勘得宣城縣金寶
圩等處沖破者一百三十圩漫沒者三十四圩
被淹者十七圩南陵縣上洲壩等處最重者七

十五圩次重者三十六圩稍輕者二十四圩廬舍被淹人口間有漂沒俱經打撈棺殮惟外江內河處處漫溢尙難宣洩又勘得青陽縣被水村莊已漸消退補種惟近江之十八九等四都尙未涸復情形較輕又勘得貴池縣之下一等二十四保及牛頭等三十八洲全被淹沒仁一等十餘保亦間段被淹又過江勘得桐城縣被水共一百四保內湯家溝等四十七保最重掛車河等四十六保次重樺陽岡等十一保稍輕以上各屬均經臣順路親勘又涇縣前報被水

現已涸退經委員張鳳翽等會稟勘得該縣之
禮辭都等二十七處因蛟洪驟起被沖較重花
林都等三十餘處被沖較輕坍倒房屋漸次修
復惟山間浮厝之棺被水沖去者極多現經印
委各員督飭撈葬至附近省城各縣先經臣飭
令藩司徐承恩委員勘辦茲據藩司督同查明
並據委員安慶府汪恩等具稟懷寧縣之堯年
涿水等鄉潛山縣之貞固作肅等里望江縣之
西圩妙光等圖東流縣之雁汊等保俱被淹十
之七八情形亦重現在多未涸出補種較難此

外尚有績溪縣前報驟被山水現據委員顏爾
楫等會稟水已消退淹斃男婦十餘口業經捐
資撫卹又廬江和州含山三州縣續報於六月
初旬隄埂漫裂多被水淹其時臣已渡江而南
卽飛飭委員蔡士楷龔式穀趙梅等分路查勘
據稟廬江縣東南鄉之十六保與北鄉七保和
州東南鄉之一坊十二都南鄉之一坊九都含
山縣南鄉之十都九十圩均因江湖漫漲被淹
現在水深七八尺不等惟該三處被淹稍緩民
間蓋藏未盡漂失目下尙可支持又太湖宿松

歙縣建德石埭旌德寧國太平巢縣等處亦俱
陸續稟報被水飭據該府縣查勘因地勢較高
被水之處無多俱已補種通計臣親赴查勘及
委員所勘內銅陵無爲繁昌蕪湖當塗宣城南
陵涇縣潛山望江懷寧東流桐城貴池十四州
縣情形尤重流離顛沛實堪憫惻臣仰體

聖主宵旰如傷之意業經動項撫卹或本色或折色
隨地酌給俾極苦貧民暫資果腹一面平糶倉
穀並將錢糧照例暫行停徵其餘被水稍輕各
處亦一律平糶倉穀用資接濟現在晴霽多日

山田久經涸出惟濱江各州縣隄埂盡破一片
汪洋兼江廣上游之水建瓴而來以致彌月未
能消退能否補種雜糧尙難預定統俟秋成後
將被水各處及屯坐各衛軍田察看情形再行
分別辦理至臣履勘各處凡高阜田禾俱長發
青葱地方亦均安靜卽於二十六日回省辦事
所有勘辦被水各處情形事關民瘼謹由驛具
奏仰慰

宸厯伏乞

皇上聖鑒謹

奏

道光三年六月二十七日由驛具

奏七月十八日准

兵部火票遞到欽奉

硃批所辦甚是俟秋成後再行明白查勘應如何辦理之處據實奏聞欽此